

CYNGOR SIR YNYS MÔN	
Pwyllgor:	Pwyllgor Sgriwtini Partneriaethau ac Adfywio
Dyddiad:	19 Medi 2023
Pwnc:	Ymateb Cyngor Sir Ynys Môn i'r Adolygiad Darpariaeth Brys – Gwasanaeth Tân ac Achub Gogledd Cymru
Pwrpas yr Adroddiad:	I ddarparu sylwadau ar yr Adolygiad Darpariaeth Brys - Gwasanaeth Tân ac Achub Gogledd Cymru
Cadeirydd Sgriwtini:	Cynghorydd Dylan Rees
Aelod(au) Portffolio:	Cynghorydd Llinos Medi
Pennaeth Gwasanaeth:	Dylan Williams, Prif Weithredwr
Awdur yr Adroddiad:	Susan Owen Jones
E-bost:	Susanjones4@ynysmon.llyw.cymru
Aelodau Lleol:	Yn berthnasol i'r holl aelodau etholedig.

1 – Argymhelliad/Argymhellion

Gofynnir i'r Pwyllgor:

- 1.1 Roi ei farn ar ymateb drafft Cyngor Sir Ynys Môn i Adolygiad Darpariaeth Brys Gwasanaeth Tân ac Achub Gogledd Cymru
- 1.2 Cynnig yr ymateb drafft i'w gymeradwyo gan y Pwyllgor Gwaith.

2 – Cyswllt efo Cynllun y Cyngor / Blaenoriaethau Corfforaethol Eraill

2.1 Mae'r Cyngor yn ymatebwr categori 1 ac mae ganddo gyfrifoldeb dros gynllunio ac ymateb i argyfyngau o dan Ddeddf Argyfyngau Sifil 2004, Rheoliadau (Parodrwydd a Gwybodaeth Gyhoeddus) Argyfyngau Ymbelydrol 2002, a Rheoliadau Diogelwch Piblinellau 1996.

2.2 Mae'r Cyngor yn chwarae rhan hanfodol mewn cydnerthedd sifil ac mae'n gweithio ochr yn ochr â'r gwasanaethau brys ac ymatebwyr categori 1 eraill yn cynnwys Gwasanaeth Tân ac Achub Gogledd Cymru.

3 – Egwyddorion fel canllaw ar gyfer Sgriwtini

Er mwyn cynorthwyo Aelodau wrth graffu ar y pwnc:-

- 3.1 Yr effaith y mae'r eitem yn ei chael ar unigolion a chymunedau [ffocws ar y cwsmer/dinesydd]
- 3.2 Edrych ar effeithlonrwydd ac effeithiolrwydd unrhyw newid arfaethedig – yn ariannol ac o ran ansawdd [ffocws ar werth]
- 3.3 Edrych ar unrhyw risgiau [ffocws ar risg]
- 3.4 Sgriwtini'n cymryd rôl rheoli perfformiad neu sicrhau ansawdd [ffocws ar berfformiad ac ansawdd]
- 3.5 Edrych ar gynlluniau a chynigion o safbwynt:
 - Hirdymor

- Atal
- Integreiddio
- Cydweithio
- Cynnwys

[ffocws ar lesiant]

4 - Cwestiynau Sgriwtini Allweddol

4.1 I ba raddau y mae ymateb drafft yr Awdurdod Lleol yn adlewyrchiad digonol o farn y Cyngor?

4.2 Pa fylchau sydd yn yr ymateb drafft?

5 – Cefndir / Cyd-destun

5.1 Sefydlwyd Awdurdod Tân ac Achub Gogledd Cymru ar 1 Ebrill 1996 yn dilyn ad-drefnu llywodraeth leol. Mae'n cynnwys 28 o gynghorwyr o'r chwe awdurdod unedol yng Ngogledd Cymru.

5.2 Yr Awdurdod ydi'r corff sy'n gyfrifol am ddarparu gwasanaeth tân ac achub i gymunedau Gogledd Cymru.

5.3 Mae'n cynnwys 28 o gynghorwyr o'r chwe awdurdod lleol yng Ngogledd Cymru. Mae gan Gyngor Sir Ynys Môn 3 aelod etholedig ar yr Awdurdod.

5.4 Mae'r Cynghorydd Dylan Rees yn cadeirio'r Awdurdod a'r Panel Gweithredol; mae'r Cynghorydd Jeff Evans yn aelod o'r Awdurdod a'r Panel Archwilio; ac mae'r Cynghorydd John Ifan Jones yn aelod o'r Awdurdod a'r Panel Gweithredol.

5.5 Mae'r Awdurdod ynghanol ymgynghoriad cyhoeddus ar hyn o bryd i holi barn pobl sy'n byw, gweithio neu deithio yn y rhanbarth ynglŷn â dyfodol y ddarpariaeth brys yng Ngogledd Cymru.

5.6 Mae'r ymgynghoriad yn canolbwyntio ar dri opsiwn ar gyfer dyfodol y ddarpariaeth brys ledled Gogledd Cymru.

6 – Asesiad o'r Effaith ar Gydraddoldeb [gan gynnwys effeithiau ar yr Iaith Gymraeg]

6.1 Yr effeithiau posibl ar y grwpiau a warchodir o dan Ddeddf Cydraddoldeb 2010

D/B

6.2 Yr effeithiau posibl ar y rhai sy'n profi anfantais economaidd-gymdeithasol yn eu bywydau (penderfyniadau strategol)

D/B

6.3 Yr effeithiau posibl ar y cyfleoedd i bobl ddefnyddio'r Gymraeg a pheidio â thrin y Gymraeg yn llai ffafriol na'r Saesneg

D/B

7 – Goblygiadau Ariannol

Mae Gwasanaeth Tân ac Achub Gogledd Cymru'n cael ei ariannu'n bennaf drwy ardoll gan Awdurdodau Unedol yr ardal. Mae'r Cyngor yn cyfrannu tuag at y gronfa hon ac

mae cyfraniadau'n seiliedig ar y boblogaeth. Bydd unrhyw newid i gyllideb Gwasanaeth Tân ac Achub Gogledd Cymru'n effeithio ar yr ardoll gan roi pwysau ychwanegol ar gyllideb y Cyngor.

8 – Atodiadau

- Ymateb drafft

9 - Papurau Cefndir (cysylltwch ag awdur yr Adroddiad am unrhyw wybodaeth bellach os gwelwch yn dda):

Adolygiad Darpariaeth Brys Gwasanaeth Tan ac Achub Gogledd Cymru – dogfen ymgynghori.